


**Jen Būreejtōn Henry B. Eyring**

Rikakpilōklōk eo Kein Kajuon ilo  
Būreejtōnji eo Kein Kajuon



# Kallimur eo kōn Oktak an Bōro ko

**J**inō, Mildred Bennion Eyring, eaar rūttoļok ilo juk-  
jukinpād an rikallib ilo Granger, Utah, USA. Juon iaan  
būratōr ro an, Roy, kar ļoor pejnej eo an baamle eo  
kōn tāap jiiip. Ke eaar juon likao eaar joļok elōñ wiik etto-  
ļok jān kapijuknen eo. Ilo tōre ko eaar jino dikļok an kar  
itok limo ilo Kabuñ in. Āliktata eaar emmakūt jān Idaho,  
USA, kar mare, im kar wōr jilu nejin ajri ro. Eaar mej ke  
eaar 34 iiō dettan ke kōrā eo pāleen eaar 28 iiō dettan im  
ajri ro nejin raar iddik.

Meñe baamle eo edik an Roy eaar pād ilo Idaho im jinō  
eaar emmakūt enañin 2,500 maļ ko (4,025 km) ñan New  
Jersey, USA, liin emakijkij an kar jeje ñan er leta in iakwe  
ko im kōketak. Baamle eo an eo ulepa emman eaar ba  
kōn maṃa āinwōt “Aunt Mid.”

Iiō ko raar eļļāļok, im juon raan iaar bōk juon talboon  
jān juon iaan ro rilikū. Kar jiroñ eō bwe lio emej pāleen  
kar pāleen Roy eaar mej. Eo rilikū eaar ba, “Aunt Mid ekō-  
naan bwe kwon jeļā.” Aunt Mid eaar mej wōt etto, bōtaab  
baamle eo an eaar eñjake wōt iakwe eo an im pukōt tok  
ñan jiroñ eō.

Iaar bwilōñ kōn ewi joñan an jinō kar kōmṃane juon  
jermal ilo baamle eo an eja āinwōt jermal eo an rikanaan ro  
an Rinipai raar kōmṃan ilo baamle ko aer ñan pād epaake  
doon wōt ñan ro nukier raar kōṃaan bōktok ñan koļpeļ eo  
an Jisōs Kraist. Nipai eaar je juon ļook me eaar kōjatdikdik  
enaaj kar kareel ajri ro nejin ro jeir im jatier ñan bar roļ

ñan tōmak eo an patriak eo aer, Liai. Ļōmaro nejin Mosaia  
raar kwaļok bwe eja iakwe eo wōt raar kwaļok koļpeļ eo  
ñan ro ineen Liai.

Irooj eaar kōpooj iaļ ko ñan kōj ñan eñjake iakwe ilo  
baamle ko me remaroñ wōnṃaanļok wōt indeeo. Rimṃan  
ded ro ilo Kabuñ in rainin rej eñjake an būruwier oktakļok  
ñan baamle ko aer. Rej pukōt āt ko an ro uwaan baamle  
eo ro raar jab wōr aer iien emman ñan bōk kaiñi ko an  
ļomqor ilo mour in. Rej bōk āt kein ñan tampeļ eo. Ke  
rej tulok ilo dān ko an peptaij, ewōr aer iien emman ñan  
eñjake iakwe eo an Irooj im an ro uwaan baamle eo ñan  
ro me rej kōmṃani kaiñi ko ilo etaer.

Imaroñ keememej wōt iakwe eo ilo ainikien eo rilikū  
me eaar kūr im ba, “Jined emōj an mej, im Aunt Mid eaar  
kōṃaan bwe kwon jeļā.”

Ñan koṃ ro me rej kōmṃani kaiñi ko ñan ro uwaan  
baamle eo rej pukōtļok er ilo iakwe, āinwōt kar an Ļōmaro  
nejin Mosaia im rikanaan Nipai. Āinwōt er, koṃ naaj  
eñjake lañlōñ kōn ro rej bōk jortak eo ami. Koṃ maroñ  
barāinwōt kōtmene ñan eñjake eja buñbōro in wōt āinwōt  
Ammon, eo eaar ba kōn jermal in mijenede eo an ibwilijin  
ro uwaan baamle eo raar ettoļok:

“Kōn menin, jān aiboojoj, aet, jenaaj aiboojoj ilo Irooj;  
aet, jenaaj mōṃōṃō, bwe ad lañlōñ eobrak; aet, jenaaj  
nebar ad Anij indeeo. Lo, wōn emaroñ ļap an aiboojoj ilo  
Irooj? Aet, wōn emaroñ ba eļap kōn An kajoor eļap, im

kōn an tiriamō, im kōn an lōjokmen n̄an ro nej̄in armej? Lo, ij ba n̄an kom̄, ij̄jab maroñ ba jidik in joñan eo ij eñjake” (Alma 26:16).

Ij kwaḷōk naan in kaḷool bwe eñjake ko an iakwe ewōr ippāmi n̄an ro uwaan baamḷe eo ami—jekdōon ia eo rej pād ie—rej juon kakūrmool an kallimur eo bwe Elijah enaaj kar itok. Eaar itok. Būruwōn ro nej̄ier rej oktakḷok n̄an ro jemeer, im būruwōn ro jemeer rej oktakḷok n̄an ro nej̄ier (lale Malakai 4:5–6; Joseph Smith—History 1:38–39). N̄e kom̄ij eñjake ikdelel eo n̄an pukōt āt ko an rūtto ro ami im bōk āt kein n̄an tampeḷ eo, kom̄ij eñjake kūrmoool eo an kanaan jab in.

Ej juon kōjeram̄an n̄an mour ilo tōre in me kallimur eo an oktak in bōro ko emōj aer kūrmoool. Mildred Ben-nion Eyring eaar eñjake ikdelel jab in ilo būruwōn. Liin eaar iakwe baamḷe eo an būratōr eo an, im eaar pukōtḷok er. Eaar eñjake an būruwier oktak ilo iakwe n̄an Aunt Mid kōnke raar jeḷā eaar iakwe er.

## KATAKIN JĀN ENNAAN IN

Komaroñ kōḷaan riiti naan in kanaan ko kōn jetōb in Elijah ippān ro kwoj loḷok (lale Malakai 4:5–6; Joseph Smith—History 1:38–39). Kōnono kōn wāween ko n̄an erom bōk kuḷaam̄ ippān menmenbwij an baamḷe, ekoba kein jermal ko āinwōt indexing, pija, im blog. Ejaññe ro kom̄ij loḷok rej̄jab meḷeḷe kōn men kein FamilySearch.org, ḷōmḷak in bōk jet iien n̄an kwaḷok n̄an er.

## JODIKDIK RO

### Jeḷā Kajien Būbū

Jen Jewelene Carter

I lo juon iaan būroojāāk ko aō ilo Douluul eo an Jiroñ ro, iaar baḷintier n̄an jipañ būbū pukōt rūtto ro an kōn

etali alen microfile ko ilo family history jentōr eo ilo Mesa, Arizona, USA. Ilo am jijet iturin doon im kar pukōt baamḷe eo am, iaar jino ḷōmḷak: “Ij ke lukkun jeḷā eḷap kōn būbū eo ej jijet iturejetū?”

Kōm ar lo elōn ro uwaan baamḷe eo, kar kōpooj meḷeḷe eo aer, im kar etal n̄an Mesa Arizona Tampeḷ eo n̄an kōmḷani peptaij ko im kapen ko aer. Ejjab etto ālikin, būbū eaar letok n̄an eō juon loḷok eḷap kōn menmenbwij in baamḷe eo an.

Kōnke eaar eñtaan jān nañinmej in kūrro rheumatiod, eaar kanooj kōmettak n̄an an būbū jeje. Iaar lemō-ḷōḷō in jipañ e ilo kamputōr eo. Ippān doon, kōm kar je bwebwenato ko jān mour eo an n̄an jeram̄an eo an baamḷe eo am ilo jetōb. Ij iakwe bwe imaroñ erom ḷōt-tan mour eo an im kanooj katak eḷap kōn bwebwenato an Kabuñ in ilo am ippān doon ilo būroojāāk kein.

*Rijeje eo ej jokwe kio ilo Virginia, USA.*

## AJRI RO

### Iakwe ilo M̄weo

*Lañ ej ettōñ ilōñ*

*N̄e wōr yokwe lo muweo imōd;*

*Men otemjej remmōn lok*

*N̄e wōr yokwe lo muweo imōd.*

(“Ewōr Aibujuij Ibelakin,” *Al*, nō. 34)

Jemedwōj Ilañ ekōḷaan bwe jān iakwe baamḷe ko ad bwe jān maroñ ḷōḷōḷō. Ilo an ḷapḷok ad jermal n̄an baamḷe ko ad, enaaj ḷapḷok ad iakwe Jemedwōj Ilañ im ro uwaan baamḷe eo ad.

Jiñaik menono ko ioon juon ḷōttan peba im ḷwijiti. Je naan ko rekam̄ōḷōḷō ak pijaik pija ko ioer im būḷok ilo ittiḷo n̄an ro uwaan baamḷe eo am. Lale ewi joñan an naaj kam̄ōḷōḷōik er!



# Mijen eo Ekwojarjar an Jisōs Kraist: Rijojomar

*Kanooj jar ilo ekkatak kein katakin in im pukōt nān jelā ta eo nān kwaļok. Ekōjkan naaj meļeļe mour eo im mijen eo an Rilōmōor eo ej kōļapļok tōmak eo ami ilo E im kōjeramman ro kwoj (bōk eddoier im mije er kōn naan in katak an kōrā? Nān meļeļe ko reļļapļok, etal nān relief society.lds.org.*

Tōmak, Baamļe, Deeor

*Eñin ej juon mōttan an Naan in Katak ko an Kōrā ro ej pijaiik wāween ko kōn mijen eo an Rilōmōor eo.*

Jisōs Kraist ej ad Rijojomar ippān eo Jemen. Naan eo *rijojomar* ewōr meļeļe in Latin “juon eo ej akweļap kōn bar juon.”<sup>1</sup> Rilōmōor eo ej akweļap kōn kōj, kōjbal meļeļe, jimwe, im jouj. Jelā menin emaroñ kōbrak kōj kōn iakwe im kamoolol kōn Pinmuur eo An.

Roñjake Jisōs Kraist eo ej rijojojar ippān Jemen, eo ej akweļap kōn kwe imaan Mejān—

Ba: Jema, lo eñtaan ko im mej eo an Eo eaar jab kōmman jerawiwi, ilo E Kwar kanooj bū-būruōm; lo bōtōktōkin Nejum eo eaar tōorļok, bōtōktōkin E eo Kwar leļok bwe Kwōn maroñ aiboojoj;

Kōn menin, Jema, dāpij rein jeiū im jatū rej tōmak ilo eta, bwe ren maroñ itok nān ippa im bōk mour ejjeļok jemļok in (lale D&C 45:3–5).

Kōn Kraist āinwōt ad Rijojojar, Elder D. Todd Christofferson jen Doulul eo an Joñoulruo Rijilok ro eaar ba: “Ekanooj in ļap an aorok

nān nā, bwe imaroñ ilo jabdewōt iien im ilo jabdewōt kepaakļok kōn jar tūroon in jouj eo, bwe Jemedwōj Ilañ enaaj roñjake kajjitok eo aō, bwe aō Rijojomar, e eo eaar jab kōmman jerawiwi, eo bütōktok in eaar tōorļok, enaaj akweļap kōn aō jermal.”<sup>2</sup>

## Jān Jeje ko Rekwojarjar

Mosaia 15:8–9; Moronai 7:28; Doctrine and Covenants 29:5; 110:4

## Jān Bwebwenato eo Ad

Ilo aolepān bwebwenato eo an Kabuñ eo an Irooj, kōrā rikaļoor ro an Jisōs Kraist kar ļoor waanjoñak eo An. Esther eaar juon rijojomar etiljek im peran. Eo rilikin Mordecai eaar jilkinļok nān e juon kape in kōjeļļā eo an kiiñ eo bwe Riju ro rej aikuj kakkure er, im eaar jitōne “nān kajjitok [kiiñ eo] kōn an ri aelōñ.” Ľeo eaar kakobaba: “Im wōn e jab ba bwe eñin unin am kar itok nān aelōñ in ilo iien rōt in?” (Ester 4:8, 14.)

Kōjekdōon kauwōtata eo kōn juon rijojomar nān armej ro an,

Ester eaar errā: “Āindein inaaļ deļōñ nān ippān kiiñ eo, meñe ejjab ekkar nān kien: im eļañne I jako, ekwe, I jako” (Ester 4:16).

Innām Ester eaar ettā an ekōnono nān kiiñ eo im “buñ-pedo i neen, im jañ im akweļap . . . nān pepe eo eaar ļōmņak . . . ñae ro ri Ju.” Liin eaar kakkobaba, “Bwe ekōjkan aō maroñ in lo nana eo enaaj itok ioon ro aō ri aelōñ?” (lale Ester 8:3, 5–6). Būruwōn kiiñ eo eaar pidodoļok, im eaar leļok kajjitok eo an.<sup>3</sup>

### KAKEEMEMEJ KO

1. Lale Russell M. Nelson, “Jesus Christ—Our Master and More” (Brigham Young University fireside, Pāp. 2, 1992), 4; speeches.byu.edu.
2. D. Todd Christofferson, “I Know in Whom I Have Trusted,” *Ensign*, Māe 1993, 83.
3. Bar lale *Daughters in My Kingdom: The History and Work of Relief Society* (2011), 180.

### Ľōmņak kōn Menin

Ekōjkan an jipañ eo an Jisōs Kraist maroñ imwe kōj nān kōļapļok jouj im jeorļok bōd eo nān ro jet?